



Broj: 04-GV-04-815/21
Sarajevo, 15.07.2021. godine

*ZAPISNIK O RADU
ČETVRTE SJEDNICE ODBORA ZA BUDŽET I FINANSIJE
održane 15.07.2021. godine*

Prisutni:

1. Danijela Šahat, zamjenica predsjedavajućeg
2. Lajla Ćosović, članica
3. Seid Škaljić, član
4. Anes Teskeredžić, član
5. Kenan Đonko, član
6. Haris Džihanić, član

Odustan: Raif Duraković, predsjedavajući

Sjednici iz Gradske službe za Gradsko vijeće prisustvuje:

- Zinaida Beširević, šef Odsjeka za stručne poslove

Sjednici po ovlaštenju Gradonačelnice, prisustvuje:

- Asja Kahvedžić, ispred Gradske službe finansija

Zamjenica predsjedavajućeg Odbora je otvorila sjednicu u 9.10 sati, pozdravila prisutne, utvrdila kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu Treće sjednice Odbora za budžet i finansije Gradskog vijeća Grada Sarajeva održane 18.06.2021. godine.

Na prijedlog zamjenice predsjedavajućeg Odbora, jednoglasno je usvojen sljedeći **dnevni red**:

1. Izvještaj o korištenju sredstava tekuće rezerve
2. Tekuća pitanja

TAČKA 1.

Izvještaj o korištenju sredstava tekuće rezerve

Uvodno izlaganje i pojašnjenja dala Asja Kahvedžić, iz Gradske službe finansija.

Zamjenica predsjedavajućeg Odbora je postavila pitanje koji su bili razlozi hitnosti za donošenje Odluke o odobravanju sredstava sa pozicije tekuća rezerva za nabavku motornog vozila za potrebe Udruženja Gorska služba spašavanja Trebević i Odluke o odobravanju sredstava sa pozicije tekuća rezerva za opremanje dječijih bungalova i spavaonica, za potrebe Javne ustanove Dječiji dom "Mostar".



Odgovor na postavljeno pitanje dala je Asja Kahvedžić, ispred Gradske službe finansija uz pojašnjenja da se sredstava tekuće rezerve Budžeta Grada Sarajeva izdvajaju na osnovu kriterija propisanih Pravilnikom za korištenje sredstava iz tekuće rezerve Budžeta Grada Sarajeva.

Poslije uvodnog izlaganja i rasprave u kojoj su učestvovali svi članovi Odbora, na prijedlog zamjenice predsjedavajućeg, Odbor za budžet i finansije je sa četiri glasa „za“ i dva „suzdržana“ glasa usvojio sljedeći **zaključak**:

Odbor za budžet i finansije sugeriše Gradskom vijeću Grada Sarajeva da razmatra *Izveštaj o korištenju sredstava tekuće rezerve*, kako je predložen.

TAČKA 2.

Tekuća pitanja

Haris Džihanić, član Odbora je podsjetio da je Odbor za budžet i finansije na Drugoj sjednici usvojio zaključak koji glasi: Odbor za budžet i finansije upućuje inicijativu Gradskom vijeću Grada Sarajeva da zaduži Gradonačenicu, da se prilikom predlaganja rebalansa Budžeta Grada Sarajeva za 2021. godinu preostala kreditna sredstva za koje nije započeta realizacija projekata, revidiraju i predlože prioritetni projekti, te da raspolaze informacijama da je narednog dana potpisan ugovor kojim se angažuju sredstva u iznosu od 500.000,00KM.

Seid Škaljić, član Odbora je informisao članove Odbora da je Gradonačelnica na Trećoj sjednici Gradskog vijeća povukla iz dnevnog reda Prijedlog Odluke o uslovima i načinu korištenja i zakupa poslovno ugostiteljskog objekta „Vidikovac“, kao i da će na nastavku Treće sjednice Gradskog vijeća biti razmatran Prijedlog Odluke o stavljanju van snage Odluke o ustupanju korištenja prostora u upravnoj zgradi DPO-a na Parlament Federacije Bosne i Hercegovine.

Predložio je da, obzirom na značaj Odluke o uslovima i načinu korištenja i zakupa poslovno ugostiteljskog objekta „Vidikovac“, Odbor za budžet i finansije razmatra navedenu odluku na jednoj od svojih sjednica koja će se održati u pripremi sjednice Gradskog vijeća, na kojoj će se navedena odluka razmatrati.

Nakon rasprave u kojoj su učestvovali svi članovi, Odbor za budžet i finansije je jednoglasno usvojio sljedeći **zaključak**:

Odbor za budžet i finansije sugeriše predsjedavajućem Gradskog vijeća da Prijedlog Odluke o uslovima i načinu korištenja i zakupa poslovno ugostiteljskog objekta „Vidikovac“ dostavi Odboru za budžet i finansije na razmatranje a u pripremi sjednice Gradskog vijeće, na kojoj će se navedena odluka razmatrati.

ZAMJENICA PREDSJEDAVALJUĆEG ODBORA

Danijela Šahat, s.r.

Zamjenica Predsjedavajućeg Odbora je u 10.00 sati zaključila rad Četvrte sjednice Odbora za budžet i finansije Gradskog vijeća Grada Sarajeva.